

竹居殺屢

鄭涯	狄中立	李貺	崔于	左牢	金厚載	鄭還古	鄭吉	朱景元	全唐文
鄭處晦	褚藏言	李漬	石貫	任疇	張良器	李景讓	盛均	程邈	卷七百六十一之七百六十三
孫簡	曹確	蔣儼	宋言	孫玉汝	賈嵩	沈珣	黃頗	蘇絳	

欽定全唐文卷七百六十一目錄

鄭涯

武宗祔廟議

武宗祔廟合祧遷議


鄭處晦

授鄭薰禮部侍郎制

邠州節度使廳記

孫簡

請改定百官班位奏



奏置本錢狀

李愬高崇文配享次序議

憲宗廟配享功臣議

狄中立

桃源觀山界記

褚藏言

竇常傳

竇牟傳

竇羣傳

竇庠傳

竇鞏傳

曹確

請令場監錢絹直納延資庫奏

諫用伶官李可及爲威衛將軍疏

李貺

連山燕喜亭後記

李漬

苻溪新亭記

蔣儼

石壁院記

崔于

請御史大夫中丞在尚書左丞上奏

欽定全唐文卷七百六十一

鄭涯

涯太和朝官司勳員外郎

武宗祔廟議

會昌六年五月禮儀使奏武宗昭肅皇帝祔廟并合祧遷者伏以自敬宗文宗武宗兄弟相及已厯三朝昭穆之位與承前不同所可疑者其事有四一者兄弟昭穆同位不相爲後二者已祧之主復入舊廟三者廟數有限無後之主則宜出置別廟四者兄弟既不相爲後昭爲父道穆爲

子道則昭穆同班不合異位據春秋文公二年躋僖公何休云躋升也謂西上也惠公與莊公當同南面西上隱桓與閔僖當同北面西上孔穎達亦引此義釋經文賀循云殷之盤庚不序陽甲漢之光武上繼元帝晉元帝簡文皆用此義蓋以昭穆位同不可兼毀二廟故也尚書云七世之廟可以觀德且殷家兄弟相及有至四帝不及祖禰何容更言七代於理無疑矣二者今以兄弟相及同爲一代矯前之失則合復祔代宗神宗於太廟或疑已祧之主不合更入太廟者案晉代元明之時已遷豫章潁川矣及簡

文卽位乃元帝之子故復豫章潁川二神主於廟又國朝
中宗已祔太廟至開元四年乃出置別廟至十年置九廟
而中宗神主復祔太廟則已遷復入亦可無疑三者廟有
定數無後之主出置別廟者按魏晉之初多同廟蓋取上
古清廟一宮尊遠神祇之義自後晉武所立之廟雖有七
主而實六代蓋景文同廟故也又按魯立姜嫄文王之廟
不計昭穆以尊尚功德也晉元帝上繼武帝而惠懷愍三
帝時賀循等諸儒議以別爲主廟親遠義疎都邑遷異於
理無嫌也今以文宗棄代纔六七年武宗甫爾復土遽移

別廟不齒宗祖在於有司非所宜議四者添置廟之室案禮論晉太常賀循云廟以容主爲限無拘常數故晉武帝時廟有七主六代至元帝明帝廟皆十室及康穆二帝皆至十一室自後雖遷故祔新大抵以七代爲準而不限室數伏以江左名儒通蹟覩奧事有明據固可施行今若不行是議更以迭毀爲制則當上不及高曾未盡之親下有忍臣子恩義之道今備討古今參校經史上請復代宗神主於太廟以存高曾之親下以敬宗文宗武宗同爲一代於太廟東閒置兩室定爲九代十一室之制以全臣子恩

敬之義庶協大順之宜得變禮之正折古今之紛互立羣
疑之杓指因心廣孝永燭於皇明昭德事神無虧於聖代
武宗祔廟合祧遷議

夫禮經垂則莫重於嚴配必參損益之道則合典禮之文
况有明徵是資折衷伏自敬宗文宗武宗三朝嗣位皆以
兄弟考之前代理有顯據今謹詳禮院所奏並上稽古文
旁摭史氏協於通變允謂得宜臣等商議請依禮官所議
鄭處誨

處誨字廷美贈僕射澣子太和八年進士累遷工部刑部

侍郎出爲浙東觀察使檢校刑部尚書宣武軍節度使

授鄭薰禮部侍郎制

勅儀曹劇任中臺慎擇總百郡之俊造考五禮之異同必
求上才以允僉屬中散大夫尚書工部侍郎鄭薰高陽茂
族通德盛門秉莊氏之遺風蘊名卿之品業文諧騷雅鼓
吹前言譽洽搢紳領袖時輩操守必修其謙柄進退常踐
於德藩壘中詞科亟升清貫持橐列金華之侍揮毫擅紫
闥之工貳職冬官克揚休問是用俾司貢籍以振儒風朕
以化天下者莫尚於人文序多士者以備乎時選育材之

本惟善是從
擧拔旣尚於幽貞
聳勸勿遺於曹緒
無求冠玉
無採雕蟲
當思取實之方
必有酌中之道
爾其盡慮以率至公
可守禮部侍郎

邠州節度使廳記

邠爲古國其俗質而厚其人樸而易理業尚播種畜擾有后稷公劉之遺風始皇并天下地屬右輔後漢析爲新平郡後魏改置豳州國朝因之開元中詔以豳豳爲疑因改爲邠天寶已前太平歲久西通伊涼萬里而遠邠實爲近郡申王薛王以親賢之責居之太尉房公以盛德之重居

之洎逆胡勃起幽朔西戎塵坌蕩湧乘艱難際盜據河右
蕃兵去王城不及五百里邠由是爲邊郡斥候近郊鎮要
害大厯中尚父汾陽王始以朔方軍壯其威容後益選武
勇驍健有膽決奇謀者繼之今天子三年西戎款關獻河
湟數州故地西鄙益拓邠爲近蕃上念兵戎方息邊備愈
遠始詔司空白公由丞相府持節來鎮丞相功成繼命文
雅忠恕之風煦然而起邊人若寢寤拭目心意蘇醒始知
禮讓文化之爲急務廷議以我季父尚書公前爲夏帥夷
貊又安寇盜弭息儲廩果實兵械果完懋賞休績遷鎮是

軍季父又以理夏之政移之於邠邠人嬉嬉薰爲太和嘗
覩屋壁志前帥是軍者之名氏因曰曩之帥此者豈不知
是耶始務公車而角材堅壘未暇及此爾吾旣承數君子
大理之後敢不勤督吾之未至者况今戎醜旣夷不宜獨
以鳴鼓輦教擊刺爲事因命疏自開元以來刺是郡帥是
軍者追書於屋壁季父尚書公曰吾思將有以警於吾前
警於吾後者邠之土實婦人無桑績不能自衣朔方之軍
雄男子勇於公戰無他業以自厚故郡之人以耕稼爲事
軍之卒以勇敢得賞後之撫於人者宜勉農畝時其徵調

金定全唐文 卷一百一十一
完富矣帥於軍者宜嚴其刑賞時其衣食卒不
驕而勇敢矣人既完富卒既勇敢生聚之訓練之吾知青
海之西不數年爲內郡矣命處誨記其始終序於前後處
誨謹以季父之言志於後將允於後之人俾無怠大中二
年三月二十日記

孫簡

簡華州刺史宿孫舉進士官兵部尚書

請改定百官班位奏

伏以班位等差本係品秩近者官兼臺省立位稍遷頗紊

彝制理亦未通今據臺司重舉元和元年所奉勅常參官
兼大夫中丞者准檢校官立在左右丞之上者承前列曹
侍郎兼大夫者至少准京兆尹往往帶此官其京兆尹是
從三品至今班位只在本品同類官從三品卿監之上在
太常宗正卿三品之下其尚書左丞是正四品上戶部侍
郎是正四品下今戶部侍郎兼大夫只合在本品同類官
正四品下諸曹侍郎之上不合在正四品丞郎之上與京
兆尹在正三品卿監之下無異又據尚書右丞是正四品
下吏部侍郎是正四品上今吏部侍郎班位在右丞之下